



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՈՍՏԻԿԱՆՈՒԹՅԱՆ ՊԵՏԻ
ՆՐԱՄԱՆ

Թիվ 18-Ղ

ՈՍՏԻԿԱՆՈՒԹՅԱՆ ԱՏՈՐԱԲԱԺԱՆՈՒՄՆԵՐՈՒՄ ԻՐԱԿԱՆԱՑՎՈՂ
ՀԱՐՑԱՔՆՆՈՒԹՅՈՒՆՆԵՐԻ ԸՆԹԱՑՔԸ ՏԵՍԱԶԱՅՆԱԳՐԵԼՈՒ ՎԵՐԱԲԵՐՅԱԼ
ՈՒՂԵՑՈՒՅՑԸ ՍԱՀՄԱՆԵԼՈՒ ՄԱՍԻՆ

Հիմք ընդունելով ՀՀ ոստիկանության պետի 31.03.2020 թվականի թիվ 17-Լ հրամանի 2-րդ կետի համաձայն՝

Հ Ր Ա Մ Ա Յ ՈՒ Մ Ե Մ

1. Սահմանել՝ «Ոստիկանության ստորաբաժանումներում իրականացվող հարցաքննությունների ընթացքը տեսաձայնագրելու վերաբերյալ» ուղեցույցը (այսուհետ՝ Ուղեցույց)՝ համաձայն հավելվածի:

2. Տեսաձայնագրման համակարգերով կահավորված ՀՀ ոստիկանության Երևան քաղաքի և մարզային վարչությունների, ենթակա ստորաբաժանումների պետերին՝

1) անմիջական վերահսկողության տակ պահել հետաքննական աշխատանքներ իրականացնող ենթակա ծառայողների կողմից հարցաքննությունների ընթացքում տեսաձայնագրող համակարգերի պատշաճ գործարկման և դրանց իրականացման քրեադատավարական կարգի պահպանման գործընթացները, նշված աշխատանքներում ցանկացած խախտման, համակարգի խափանման կամ այլ խնդիրների առաջացման դեպքում զեկուցել վերադասության կարգով,

2) սույն հրամանի ընդունումից հետո (ինչպես նաև նոր ծառայողների նշանակման դեպքում) 2 աշխատանքային օրվա ընթացքում ՀՀ ոստիկանության կապի և տեղեկատվական տեխնոլոգիաների վարչություն ներկայացնել հարցաքննություն իրականացնելու իրավասություն ունեցող ենթակա ծառայողների տվյալները (Ա.Ա.Հ.,

պաշտոն, կոչում, հեռախոսահամար)՝ տեսաձայնագրման համակարգից օգտվելու նպատակով համապատասխան մուտքի գաղտնաբառեր տրամադրելու համար,

3) հետաքննական աշխատանքներ իրականացնող ենթակա ծառայողներին տեսաձայնագրման համակարգից օգտվելու համար անհրաժեշտ տեղեկություններ տրամադրելու նպատակով՝ կազմակերպել և անցկացնել ուսումնական պարապմունքներ:

3. ՀՀ ոստիկանության ստորաբաժանումներում հետաքննության գործառույթներ իրականացնող ծառայողներին՝ հարցաքննությունների իրականացման ընթացքում տեսաձայնագրման համակարգի գործարկման պատշաճ ընթացքի ապահովման նպատակով առաջնորդվել բացառապես սույն հրամանի 1-ին կետով սահմանված Ուղեցույցի պահանջներով:

4. ՀՀ ոստիկանության կրթահամալիրի պետին՝ ՀՀ ոստիկանության համակարգում հետաքննության գծով, քրեական հետախուզության, անչափահասների գործերով և ընտանիքում բռնության կանխարգելման ստորաբաժանումների, համայնքային ոստիկանության ծառայողների, ինչպես նաև միջին խմբի պաշտոններում նշանակված ծառայողների վերապատրաստման գործընթացում ապահովել սույն հրամանի 1-ին կետով սահմանված Ուղեցույցի ուսումնասիրությունը, այն պարտադիր նախատեսելով առարկայական թեմատիկ պլաններում:

5. Հրամանը ծանոթացնել ոստիկանության բարձրագույն, գլխավոր, ավագ, միջին և կրտսեր խմբերի պաշտոններ զբաղեցնող ծառայողներին:

ՈՍՏԻԿԱՆՈՒԹՅԱՆ ԳԵՂԱՊԵՏ

Մ. Արզումանյան

Ա.ՍԱՐԳՍՅԱՆ

« 31 » 03 2020թ.
ք.Երևան

Հավելված

ՀՀ ոստիկանության պետի

«31» 03 2020թ.

թիվ 18 -L հրամանի

ՈՒ Ղ Ե Ց ՈՒ Յ Ց

Ոստիկանության ստորաբաժանումներում իրականացվող հարցաքննությունների ընթացքը տեսաձայնագրելու վերաբերյալ

1. ԸՆԴՀԱՆՈՒՐ ԴՐՈՒՅԹՆԵՐ

1.1. Տեսաձայնագրման նպատակը - մարդու իրավունքների պաշտպանության, խոշտանգման, անմարդկային կամ նվաստացնող վերաբերմունքի հնարավոր դեպքերի կանխարգելում և բացահայտում:

1.2. Տեսաձայնագրման իրավական հիմքը - «Ոստիկանության մասին» ՀՀ օրենքի 5.1-ին հոդված (լրաց. 13.12.19 ՀՕ-310-Ն):

1.3. Ուղեցույցից օգտվող ոստիկանության ծառայողների շրջանակը - Հանցագործությունների մասին ՀՀ քրեական դատավարության օրենսգրքի 176-րդ հոդվածով նախատեսված հաղորդումներով քրեադատավարական գործողություններ իրականացնող ոստիկանության ծառայողներ (հետաքննության գծով, քրեական հետախուզության, անչափահասների գործերով և ընտանիքում բռնության կանխարգելման ստորաբաժանումների, ինչպես նաև համայնքային ոստիկանության ծառայողներ):

1.4. Քրեադատավարական սուբյեկտների շրջանակը - տուժող, վկա և կասկածյալ:

1.5. Կիրառության շրջանակը - Քրեական գործ հարուցելուց հետո իրականացվող քննչական գործողություններից՝ բացառապես տուժողի, վկայի և կասկածյալի **հարցաքննության** իրականացման ընթացքում:

1.6. Գործընթացի առանձնահատկությունը՝

ա) հնարավոր է իրականացնել բացառապես տեսաձայնագրող համակարգերով նախապես հատկացված և կահավորված աշխատասենյակներում, համակարգի անխափան աշխատանքի շրջանակներում, սույն կանոնների պահպանմամբ,

բ) կատարված տեսաձայնագրությունը հարցաքննության արդյունքների քրեադատավարական ամրագրման ձև չի հանդիսանում և քրեական գործի նյութերին չի կցվում:

1.7. Առաջադրված խնդիրները - Սույն Ուղեցույցի կիրառությամբ տեսաձայնագրող համակարգի գործարկումը կոչված է լուծելու հետևյալ խնդիրները՝

ա) ապահովում է հարցաքննությունների վարման թափանցիկությունը,

բ) պաշտպանում է տուժողին, վկային և կասկածյալին՝ ոստիկանությունում իրականացվող հարցաքննությունների ընթացքում այն վարող ոստիկանության ծառայողի հնարավոր անօրինական գործողություններից, ինչպես նաև էթիկապես սխալ պահվածքի հնարավոր դրսևորումներից,

գ) ոստիկանության ծառայողներին պաշտպանում է ընդդեմ ոստիկանության չհիմնավորված բողոքներից,

դ) բարձրացնում է ոստիկանության ծառայողների մասնագիտական պատրաստվածությունը և Ոստիկանության հանդեպ հանրային վստահության մակարդակը:

2. ՏԵՍԱՁԱՅՆԱԳՐՄԱՆ ՀԱՄԱԿԱՐԳԻ ԿԻՐԱՌՈՒԹՅՈՒՆԸ

2.1. Ոստիկանության այն ստորաբաժանումներում, որտեղ առկա է տեսաձայնագրող համակարգով կահավորված աշխատասենյակ, քրեական գործի շրջանակներում ոստիկանության ծառայողի կողմից անցկացվող **բոլոր հարցաքննությունների ընթացքում պարտադիր կարգով** պետք է իրականացվի տեսաձայնագրություն:

2.2. Տեսաձայնագրման համակարգը չի գործարկվում կամ տեսաձայնագրումն արգելվում է հետևյալ հանգամանքներում՝

ա) հարցաքննություններից բացի այլ քրեադատավարական և քննչական գործողությունների, ինչպես նաև օպերատիվ հետախուզական միջոցառումների իրականացման ընթացքում (օր.՝ բացատրություն վերցնելու, առերեսման, օպերատիվ հարցման դեպքերում),

բ) ոստիկանության ստորաբաժանումների վարչական շենքերից դուրս իրականացվող հարցաքննությունների ընթացքում,

գ) ոստիկանության ծառայողի և անձանց (ինչպես նաև քրեադատավարական սուբյեկտների, այդ թվում՝ փաստաբանի) միջև զրույցի ընթացքում,

դ) փաստաբանի և պաշտպանյալի միջև զրույցի ընթացքում,

ե) օրենքով չնախատեսված այլ նպատակների իրականացման համար:

3. ՀԱՐՑԱՔՆՆՈՒԹՅԱՆԸ ՆԱԽՈՐԴՈՂ ԳՈՐԾՈՂՈՒԹՅՈՒՆՆԵՐ

3.1. Մինչ հարցաքննության տեսաձայնագրման մեկնարկը՝ հարցաքննությունն իրականացնող ոստիկանության ծառայողը պետք է հավաստիանա, որ՝

ա) տեսաձայնագրման համակարգը գործարկող համակարգիչը միացված է էլեկտրականության անխափան սնուցող սարքին (UPS) և գտնվում է գործարկված ռեժիմում,

բ) համակարգչին ֆիզիկապես (լարով) միացված են ձայնագրող (բարձրախոս) և տեսագրող սարքերը (տեսախցիկ),

գ) համակարգչի էկրանին երևում է համակարգ մուտք գործելու համար նախատեսված ծրագրային պատուհանը:

3.2. Հարցաքննությունից անմիջապես առաջ այն իրականացնող ոստիկանության ծառայողը պետք է՝

ա) միացնի խոսափողի համար նախատեսված առանձին անջատիչը, համոզվի, որ տեսաձայնագրման համար առկա է ձայնը և պատկերը,

բ) համաձայն ՀՀ ոստիկանության շտաբի, կապի և տեղեկատվական տեխնոլոգիաների վարչության կողմից տվյալ աշխատասենյակի համար նախապես մշակված սխեմայի՝ ապահովի իր, հարցաքննվողի և հարցաքննությանը մասնակցող այլ անձանց աթոռների, հարցաքննության սեղանի դիրքային համապատասխան դասավորվածությունը տեսաձայնագրման ընթացքում պատկերի և ձայնի պատշաճ ստացման նպատակով:

գ) հարցաքննության մասնակցող անձանց՝

- հայտնի տեսաձայնագրման մասին և պարզաբանի «Ոստիկանության մասին» ՀՀ օրենքի 5.1-ին հոդվածը,


- տեղեկացնի, որ այն իրականացվում է բացառապես վերջիններիս շահերի պաշտպանության նպատակով՝ իրենց իրավունքների պաշտպանության, խոշտանգման, անմարդկային կամ նվաստացնող վերաբերմունքի հնարավոր դեպքերի կանխարգելման և բացահայտման համար,

- ներկայացնի, որ տեսաձայնագրությունը հրապարակման ենթակա չէ, կարող է տրամադրվել բացառապես օրենքով սահմանված անձանց և դեպքերում,

դ) անհրաժեշտության դեպքում հարցաքննության մասնակցող անձանց տեղեկացնի, որ տեսաձայնագրությունը հարցաքննության արդյունքների քրեադատավարական ամրագրման ձև չի հանդիսանում և քրեական գործի նյութերին չի կցվում:

4. ՈՍՏԻԿԱՆՈՒԹՅԱՆ ԾԱՌԱՅՈՂԻ ԳՈՐԾՈՂՈՒԹՅՈՒՆՆԵՐԸ ՀԱՐՑԱՔՆՆՈՒԹՅԱՆ ԸՆԹԱՑՔՈՒՄ

4.1. Հարցաքննություն իրականացնող ոստիկանության ծառայողը համոզվելով, որ հարցաքննությունը սկսելու համար կան բոլոր նախադրյալները, նախապես իրեն հատկացված գաղտնաբառի միջոցով, նշելով աշխատասենյակի համարը, **(տե՛ս, Լուսանկար N° 1)** մուտք է գործում տեսաձայնագրման համակարգ:



Օգտանուն

Սենյակ 302 սենյակ

Գաղտնաբառ

Մուտք

Լուսանկար N° 1

4.2. Իր անձնական էջ մուտք գործելուց հետո սեղմելով «Նոր հարցաքննություն» կոճակը, մեկնարկում է տեսաձայնագրությունը **(տե՛ս, Լուսանկար N° 2)**:

4.3. Այնուհետև, ողջամիտ ժամկետում, յուրաքանչյուր սյունակում մուտքագրում է պահանջվող հետևյալ տեղեկությունները՝ **(տե՛ս, Լուսանկար N° 3)**,

ա) տվյալ **քրեական գործի համարը**, որի շրջանակներում իրականացվում է հարցաքննությունը,

բ) հարցաքննվողի դատավարական կարգավիճակը (վկա, տուժող կամ կասկածյալ),

գ) հարցաքննվողի անուն, ազգանունը,

դ) հարցաքննվողի ծննդյան ամսաթիվը:



ՀՀ ՈՍՏԻԿԱՆՈՒԿՅՈՒՆ
Երևան քաղաքի վարչություն

ԱՐՄՆԸ ԳՐԻԳՈՐՅԱՆ

Կոլոմ Ոստիկանության մայրո
Պաշտոն՝ Հարցաքննություն իրականացնող
ոստիկանության ծառայող

302 սենյակ

Փոխնկ գաղտնագրադ
Նոր խոցաքննություն
Գրքա գալ

Տուցադրել: 5 արդյունքներ մեկ էջում

Փնտրել

Հ/Հ	Քր. գործի համարը	Հարցաքննվողի Ա.Ա.	Տեսանյակագրության մեկնարկի ամսաթիվը	Տեսանյակագրության տվարտի ամսաթիվը
11	78524620	Վաղինակ Չիչյան	27/03/2020 19:03:55	27/03/2020 19:05:20
12	78995320	Համազասպ Կոտյան	27/03/2020 18:20:31	27/03/2020 18:34:32
13	12394520	Վահան Նիկողոսյան	10/03/2020 10:51:15	10/03/2020 10:51:52
14	54851820	Դադարյան Անդրանիկ	10/03/2020 10:41:10	10/03/2020 10:42:13
15	78581620	Պետրոսյան Պետրոս	07/03/2020 20:50:23	07/03/2020 20:50:33

Տուցադրված են 11-ից 15 արդյունքները ընդհանուր 30-ից

Ելածուրել 1 2 3 4 5 6 Հարցել

Լուսանկար N^o 2

4.4. Նշված տեղեկությունները մուտքագրելուց հետո, սկսում է բուն հարցաքննության իրականացումը:



ՀՀ ՈՍՏԻԿԱՆՈՒԿՅՈՒՆ
Երևան քաղաքի վարչություն

Քրեական գործի համարը

Հարցաքննվողի կարգավիճակը

Հարցաքննվողի Ա.Ա.

Հարցաքննվողի ծննդյան ամսաթիվը

Լուսանկար N^o 3

4.5. Հարցաքննություն իրականացնող ոստիկանության ծառայողը հարցաքննության ընթացքում պարբերաբար պետք է հետևի և համոզվի, որ համակարգն աշխատում է անխափան և տեսաձայնագրությունն ընթանում է սահմանված ընթացակարգով:

4.6. Հարցաքննությունն ավարտելուց հետո այն իրականացնող ծառայողը սեղմում է «Ավարտ» կոճակը և դուրս գալիս համակարգից (*փե 'ս, Լուսանկար № 3*):

4.7. Անձնական կարիքները հոգալու, քրեական դատավարության օրենսգրքով նախատեսված հարցաքննության համար տվյալ քրեադատավարական սուբյեկտի կարգավիճակից ելնող ընդմիջման կամ որևէ այլ հարգելի պատճառով հարցաքննության ընթացքի ժամանակավոր դադարեցման պարագայում, տեսաձայնագրությունը դադարեցվում է սովորական ընթացակարգով՝ սույն Ուղեցույցի 4.6. կետով սահմանված կարգով: Մինչ տեսաձայնագրման դադարեցումը, հարցաքննություն իրականացնող ծառայողը դադարեցման պատճառի վերաբերյալ բարձրաձայն հայտարարում է այնպես, որ խոսքը հստակ ձայնագրվի հարցաքննության տեսաձայնագրության ավարտին:

4.8. Նույն գործով հարցաքննության շարունակությունը սկսելուց առաջ՝ սահմանված կարգով տեսաձայնագրման համակարգը, սովորական ընթացակարգով կրկին գործարկվում է, որից հետո հարցաքննություն իրականացնող ծառայողը բարձրաձայն հայտարարում է տվյալ գործով քրեադատավարական սուբյեկտի հարցաքննության շարունակության մասին այնպես, որ խոսքը հստակ ձայնագրվի հարցաքննության տեսաձայնագրության ավարտին:

4.9. **Վկայի** կամ **տուժողի** կողմից տեսաձայնագրման ներքո հարցաքննվելուց հրաժարվելու պարագայում՝ հարցաքննություն իրականացնող ծառայողը վերջիններիս տեղեկացնում է **ցուցմունք տալուց հրաժարվելու վերաբերյալ իրենց քրեադատավարական կարգավիճակից բխող քրեական պատասխանատվության մասին**: Տվյալ դեպքում, հարցաքննություն իրականացնող ոստիկանության ծառայողը գործում է քրեական դատավարության օրենսդրությամբ սահմանված ընթացակարգով:

4.10. **Կասկածյալի** կողմից տեսաձայնագրման ներքո հարցաքննվելուց հրաժարվելու պարագայում՝ հարցաքննություն իրականացնող ծառայողը գործում է քրեական դատավարության օրենսդրությամբ սահմանված ընթացակարգով:

4.11. Քրեադատավարական սուբյեկտի տեսաձայնագրման ներքո հարցաքննվելուց հրաժարվելու դեպքում՝ հարցաքննություն իրականացնող ծառայողը բարձրաձայն

հայտարարում է հրաժարվելու փաստի և պատճառների մասին, այնպես, որ այն տեսաձայնագրվի, այնուհետև, սույն Ուղեցույցի 4.6. կետով սահմանված կարգով տեսաձայնագրությունը դադարեցվում է:

5. ՈՍՏԻԿԱՆՈՒԹՅԱՆ ԾԱՌԱՅՈՂԻ ԳՈՐԾՈՂՈՒԹՅՈՒՆՆԵՐԸ ՀԱՐՑԱՔՆՆՈՒԹՅԱՆ ԱՎԱՐՏԻՑ ՀԵՏՈ

5.1. Հարցաքննության ամփոփման ժամանակ հարցաքննությունն անցկացնող ոստիկանության ծառայողը հայտարարում է, որ հարցաքննությունն ավարտվել է, բարձրաձայն նշում հարցաքննությանը ներկա անձի (անձանց) անուն(ներ)ը, քրեական գործի համարը, ամսաթիվը, դադարեցման ժամը, հարցաքննության սենյակի համարը, ինչպես նաև հարցաքննության անցկացման վայրը:

5.2. Հարցաքննության ավարտից հետո, այն իրականացնող ոստիկանության ծառայողը սեղմում է ծրագրային պատուհանի վրա տեղակայված «Ավարտ» կոճակը (տե՛ս, *Լուսանկար N° 3*) և դուրս գալիս համակարգից:

5.3. Տեսաձայնագրությունը հիշելու (պահպանելու) վերաբերյալ ոստիկանության ծառայողը որևէ գործողություն չի կատարում, քանի որ այն իրականացվում է տեսաձայնագրման համակարգի կողմից՝ ինքնաշխատ եղանակով:

5.4. Հարցաքննություն իրականացնող յուրաքանչյուր ոստիկանության ծառայող տեսաձայնագրման համակարգի իր անձնական էջում կարող է տեսնել նախկինում իր կողմից կատարված բոլոր հարցաքննությունների վերաբերյալ տեղեկությունները, սակայն չի կարող դիտել կամ բեռնել դրանց տեսաձայնագրությունները (տե՛ս, *Լուսանկար N° 2*):

5.5. Անհրաժեշտության դեպքում, հարցաքննությանը մասնակցած անձանց հարցաքննությունն իրականացրած ոստիկանության ծառայողը տեղեկացնում է տվյալ տեսաձայնագրությունն օրենքով սահմանված կարգով ստանալու իրավասություն ունեցող սուբյեկտների և դեպքերի վերաբերյալ:

**6. ՈՍՏԻԿԱՆՈՒԹՅԱՆ ԾԱՌԱՅՈՂԻ ԳՈՐԾՈՂՈՒԹՅՈՒՆՆԵՐԸ ՀԱՐՑԱՔՆՆՈՒԹՅԱՆ
ԸՆԹԱՑՔՈՒՄ, ԴՐԱՆԻՑ ԱՌԱՋ ԿԱՄ ՀԵՏՈ ՏԵՍԱՁԱՅՆԱԳՐՄԱՆ
ՀԱՄԱԿԱՐԳԻ ԽԱՓԱՆՄԱՆ ԴԵՊՔՈՒՄ**

6.1. Տեսաձայնագրման համակարգի խափանումը մինչ հարցաքննությունը սկսելը

6.1.1 Հարցաքննությունը տեսաձայնագրելու պարտադիր պահանջից ելնելով, համակարգի խափանման ցանկացած իրավիճակում (օր.՝ բացակայում է պատկերը, ձայնը, հնարավոր չէ մուտք գործել համակարգ, չկա էլեկտրաէներգիա, համակարգիչը չի գործարկվում, ֆորս մաժորային ցանկացած իրավիճակ և այլն)՝

ա) այդ մասին տեղյակ է պահում անմիջական ղեկավարին (ստորաբաժանման պետին), ով, ելնելով խափանման առանձնահատկությունից, այդ մասին **010-59-66-96 (աշխատանքային ժամերին) կամ 010-59-66-88 (շուրջօրյա)** հեռախոսահամարներով անհապաղ տեղյակ է պահում ՀՀ ոստիկանության կապի և տեղեկատվական տեխնոլոգիաների վարչության համապատասխան աշխատակցին և **011-55-35-27** հեռախոսահամարով՝ ՀՀ ոստիկանության շտաբի տեսչական վարչության հետաքննության բաժնի համապատասխան ծառայողին՝ անհրաժեշտ միջոցներ ձեռնարկելու և խափանումը վերացնելու նպատակով,

բ) տեսաձայնագրման համակարգի խափանումը վերացնելու անհնարինության դեպքում, եթե հարցաքննությունը հնարավոր չէ հետաձգել, այն իրականացվում է առանց տեսաձայնագրման, որի վերաբերյալ պարտադիր կերպով կազմվում է սույն Ուղեցույցի 6.2.3. կետով նախատեսված արձանագրությունը:

6.1.2. Սույն Ուղեցույցի 6.1.1. կետով նախատեսված դեպքերին հաջորդող գործողություններն իրականացվում են սույն Ուղեցույցի 6.2.2. կետով նախատեսված ընթացակարգով:

6.2. Տեսաձայնագրման համակարգի խափանումը հարցաքննության ընթացքում

6.2.1. Քննչական տվյալ գործողության ընթացքում իրականացվող տեսաձայնագրման համակարգի ցանկացած խափանման դեպքում, հարցաքննություն իրականացնող ոստիկանության ծառայողը, հնարավորինս ողջամիտ սեղմ ժամկետով

դադարեցնում է հարցաքննությունը և համակարգի խափանման մասին տեղեկացնում անմիջական ղեկավարին (ստորաբաժանման պետին):

6.2.2. Սույն Ուղեցույցի 6.1.1. կետի «ա» ենթակետով նախատեսված գործողությունները կատարելուց հետո, եթե հնարավոր չէ ողջամիտ ժամկետում վերականգնել տեսաձայնագրման համակարգի խափանումը, ապա հարցաքննության ընթացքը շարունակվում է առանց տեսաձայնագրման:

6.2.3. Խափանման վերաբերյալ հարցաքննություն իրականացնող ծառայողի կողմից կազմվում է համապատասխան **արձանագրություն**, որտեղ հանգամանալից կերպով նշվում է հարցաքննությունն առանց տեսաձայնագրման իրականացնելու պատճառների մասին: Արձանագրությունը ստորագրվում է հարցաքննությունն իրականացնող ծառայողի, հարցաքննվողի և տվյալ ստորաբաժանման պետի կամ նրան փոխարինող ծառայողի կողմից:

6.2.4. Հարցաքննությունների ընթացքում տեսաձայնագրությունների չիրականացման կամ ոչ պատշաճ (անհիմն, առանձին մասերով, ընթացքի անհարկի ընդհատումներով կամ հարցաքննությունների ոչ լրիվ) տեսաձայնագրման յուրաքանչյուր դեպքով ոստիկանության տվյալ ստորաբաժանման պետի կամ նրան փոխարինող ծառայողի կողմից անհապաղ զեկուցվում է վերադասության կարգով, այդ մասին 1-օրյա ժամկետում տեղեկացվում ՀՀ ոստիկանության շտաբ:

6.3. Տեսաձայնագրման համակարգի խափանումը հարցաքննության ավարտից հետո

6.3.1. Հարցաքննության պատշաճ տեսաձայնագրման ավարտից հետո համակարգի խափանման դեպքում, հարցաքննությունն իրականացնող ոստիկանության ծառայողն այդ մասին անհապաղ զեկուցում է իր անմիջական պետին (ստորաբաժանման պետին):

6.3.2. Տեսաձայնագրման համակարգի հետագա պատշաճ գործարկման և խափանման պատճառների վերացման նպատակով, տվյալ ստորաբաժանման ծառայողների կողմից իրականացվում է սույն Ուղեցույցի 6.1.1. կետի «ա» ենթակետով նախատեսված գործողությունները:

6.3.3. Տեսաձայնագրման համակարգը բերելով պատշաճ վիճակի՝ ոստիկանության ստորաբաժանման ղեկավարության կողմից, ելնելով խափանման

առանձնահատկությունից, միջոցներ են ձեռնարկում հետագայում նմանատիպ խափանումները բացառելու նպատակով:

7.1. Հարցաքննություն իրականացնող ոստիկանության ծառայողների կողմից խստորեն պահպանման ենթակա հիմնական կանոնները

7.1.1. Արգելվում է տեսաձայնագրման համակարգ մուտք գործելու համար ՀՀ ոստիկանության կապի և տեղեկատվական տեխնոլոգիաների վարչության կողմից տրամադրված գաղտնաբառը փոխանցել այլ անձի:

7.1.2. Արգելվում է հարցաքննություն իրականացնելու կամ այլ նպատակով այլ ծառայողին հատկացված գաղտնաբառով մուտք գործել տեսաձայնագրող համակարգ:

7.1.3. Արգելվում է տեսաձայնագրման համակարգին միացված համակարգչի օգտագործումն այլ նպատակներով (օր.՝ համակարգչային խաղեր խաղալու, սոցիալական ցանցերից օգտվելու կամ ինտերնետային ռեսուրսներով ֆիլմեր դիտելու, ոչ անհրաժեշտ համակարգչային ծրագրեր ձայնագրելու և այլ՝ ոչ ծառայողական նպատակներով):